

孫徵君日譜錄存

孫徵君日譜錄存卷之八

順治十三年丙申七月十三

正月

後學

武昌王 輅

校訂

初一日

在孫世政十金建新

新石渠明府過訪惠以孟

之石渠謂三

在容未展寸敬些微之志不蒙便納豈堪收回

受之

初四日

送新石渠使君 某歲臺袁澤永守不見諸侯之義

而賢使君每容其疎懶使其某得漂泊於此亦不

間石翁靳使君造予容有卓眇而於某即嫌子姓
培覆尤深欲兄載飢渴無何以外艱奪去甲元
日枉道過夏峯荒村鷄黍見其子姪逾信宿而別
既恨相見之晚復恨求別之速聚晤誠非易事某
謂蘇門之麓去嵩雒若北鄰借山水之綠慰風雨
之想使君豈無意乎使君嘗以侯生保孫生爾祚
爲吾容二士於世外別著眼知寓意深矣草書志
別并申後約

初六日

立雅欲歸故園破屋幾門殘田數畝思爲料理予曰

守而勿失但恐汝力竭而體不健任抑知昊天
上帝爲生人一大主人壽年日月一展則主伯亞
旅也山河大地則田廬產業也一轉運世乃所自
永遠爲業堯舜禹一中授受乃傳祖業之人姬公
仰而思之孔子終日不食則清理祖業思爲子孫
萬世貽謀之計顏之克復會之忠恕思之戒懼孟
之仁義皆謹守先業不至其墜周之太極程之定
性又從荒墜中而得其不絕之線子靜宇宙吾人
內陽明六經我冊籍皆祖宗書無是而性何從之

其間身披縶之勞則耕鑿
勞者隨時隨地未嘗
乏人然零星曲隅未暇大
猶以舊法而侈言
潮坵垤而高談華岱耳
哭田哭安而廣居
宅萬古常新自開闢來火
能焚之不能燬家
得此祖業家家不能割
任顏
過而問焉者天無日不
在人而不得有一承
業之人天負人耶人負
天耶汝能治及此方且

肖子

九月

新丁野鶴

立兒來此五月每道生
生綢掖至意

而擴之使宏迂而引之使達此子卽孤癖不能領
受弟感佩不啻身承至於詩之道時賢人人注重
弟謂非忠孝人不能作詩人淵明子美是何等識
趣人謂二公深於學故深於詩子貢論學而知詩
子夏論詩而知學謂身焉正不作岐觀耳薛行老
十年受知邇始謀面一見便津津丁先生意亦不
專在詩也黃石齋合春秋詩易三經爲一詩之道
無微不入無顯不見寧直三經自義文周孔以來
有字之書無字之理同條共貫其有不貫是異端
也弟絕不知詩之人而與先生言此爲先生已得

詩之趣矣門下士不知孰可言施父母江南名士
定於此道有得兩相倡和興始不孤弟展墳有懷
歸裝無力知兩先生賡歌之餘或不忘七十三歲
老病夫於千里之外也

十九日

東昌有言建安沒而天下之實病不可不洩姚江沒
而天下之虛病不可不補吾愛此二語嘗舉以告
同志同志中左祖建安者便謂建安無病左祖姚
江者便謂姚江無病此亦各就其所見而言之如
人飲食有愛食濃者有愛食淡者各從所好舍其

所好而強從人之好終非其心之所安須自己知
濃知淡而言贊之以適於中此不可以口舌爭也

二十日

或謂煉石補天之說甚誕予曰此實理亦實事顧未
可爲昧者道耳解在中庸戒慎致中和而位天地
盡性贊化育而參天地覆物載物成物而配天地
非所謂補天者乎不獨至誠至聖匹夫有志一事
足色則一事之補於天一念足色則一念之補於
天日用常行事圖說載此事理圖說彰明最較著
者但須有煉石之心方所稱補天之手煉石云者

心無纖毫夾雜雖頑石亦靈矣

二十一日

寄張湛虛司馬 立兒從未出門此番來得恃先生
聞所未聞見所未見矣今歸里望兒與偕再晤先
生冀有以發其覆也後生家有志自立者甚少敝
鄉固昧尤甚先生德望既尊學力亦裕後生小子
輦欽服已久冀一言提命以爲指南卽弟身承之
也第鑿鑿日加精神日減念男子一自在世便當
一日求聞斯世斯民以至昆蟲草木何者不與吾
身相關邇於友人處得石齋大滌函書讀之此老

見地極大忠孝性生其文山一流人固宜先生友之也

二十四日

復刁非有 年兄斯文正統一刻大有功於此道讀之不忍釋手學問之事從古千聖萬賢總在日用常行處得趣綱常名教上取齊小小異同各成所見夷尹惠不同於孔子禹湯文武亦不同於堯舜所同者仁也石齋謂古人不同處我輩正好著眼孟子不同道姑舍是獨學孔子此是何等願力當補富洩兩言邇來東昌述涇陽之語弟常舉以告

我同人憶江村吾友確守姚江之說入門既專學
有自得今一二及門尙守師說而不變年兄獨謂
紫陽無病病在支離紫陽後人用其方遂成虛証
具見深心定力不揺於他岐他日傳紫陽之派者
其正統已在斯矣弟生平獲此二良友快當何如
向來編輯規模甫定條理未清目力心思日減一
日俟有定本當就正耳

二十五日

寄王念尼 學問之道須於失意處磨勘方是實際
此古人所以齊得喪運成虧也道丈曠力非凡用

功已久定於此處無復動心若於此而微有動心
之意非學問人則可如其爲學人舍此何以言學
文其勉之卽不三公都是希聖所得不旣多耶僕
七十三矣念尙父八十有三猶凜凜於敬義之誠
武公九十有五猶拳拳於切儆之章男子一人在
世當一日求聞於道斷不可冒昧假竊虛度此生
非文誰可爲此言者願與吾丈共勉之

二十六日

復張逢元司空 歲之前歲之後兩承教旨洋洋
灑佩服何數先生不倦之誨與好學之心老而既

篤尚父武公得先生而三某年七十矣回首垂暮
之志竟成影響浮游真不堪自對伯順歿而孤學
鮮克自立平生簡拙賴天之靈得先生提命且因
先生而得邇涇陽南界少墟景逸諸先生之精神
面目春風沂水至善在是恍然若有所聞別後想
慕道模常於夢寐見之此奇此誼不可向他人道
也世道益下言曲學爭鳴儒風不競不希高遠
奇則嗜偏趨僻而託迹於禪者且欲駕吾儒之上
使聞先生知行合一心理合一之訓於注堦上稍
一體認不恍然自失乎斯道在天下常如一日而

并隆之幾實有可畏某嘗謂學人不患有異同之
見患存形跡多忌諱遂不能共証此學同偕大道
承先生指示某何敢自外至謂顧高兩先生有人
又言曰向見時賢多有此話頭偶蹈之未詳其意
若云微之豈七十歲外衰病之人攜子弟衝炎冒
暑往必千餘里就正於有道之意某語蒙吉云以
所學質之東昌先生如大冶鑄物無一不受其裁
成彼求一言以爲重亦可見吾黨皈依之誠矣

二十七日

寄范箕生 王子相別於今十五年矣不奉手教又

復三年回首舊遊每憶於親翁祖孫父子江村祖
孫父子兩家託契四世爲驪此段奇緣古今罕有
當友道凌夷時向同人敘述吾黨聞者亦多企慕
思得古人交數冊以勵頽風臺下豈無意乎伯順
先生集經大手選定構斯歸里囑之索選目與大
序不知曾晤否認眞草壯歲以前文字以節見猶
有應酬之文三歸草多晚年見道范質老刻之南
都未及傳而板已灰燼天耶人耶言之浩歎不知
大手所選定者亦合三歸草否客傳親翁日夕讀
書私心嚮往夫讀書自清事樂事當此時而讀書

以選君在閒而讀書更清更樂詩文已臻堂奧想
目前所讀者更自有在伯父凜凜於敬義之誠武
公拳拳於切磋之章古人盡而好學二老爲最近
見蓬老年八十矣手不釋卷才非有久不赴公車
而讀書之興愈銳僕嘗借以自儆誠見不學便老
而衰尚冀親翁有以發吾覆也

二十八日

哭鹿巖觀有序曠觀少負高志念懿祖殉節不就童
子試繼而出外館賀孝廉家下帷攻苦舉秀才第
一未幾而病病而死孝廉爲之歸榷閭而傷之

傳訐猶如夢槐歸事已真垂髫志未迷廬作採芹人

二十九日

謂諸子若孫曰從來不知學之人以無人管束恣意縱情爲快不知此小人閒居爲不善自墮之陷阱之中也君子三畏首曰畏天命天命不已是無一事一時可不戒懼大人以身體之聖賢以言傳之自堯兢舜業以至諸儒之居敬窮理無非畏懼一念流行於無窮此正天命之不已也小人不知故不怕天地不怕王法不怕先聖垂訓勵世之戒頭

冥放逸其所以異於禽獸者幾希君子不獨畏大
人而匹夫匹婦不敢忽不獨畏聖言而獨善工
皆可採皆所以畏此天命耳天命在日用常行中
成湯顧謨天之明命亦只在此處顧謨

三十日

或謂堯夫焚香祝天詩語意太淺薄予曰此堯夫之
詩未可爲他人言也開口以身與天地三光相對
越其祝意願天下豐年壽考國有忠臣家皆孝子
且干戈寧靜已享清貧此大道爲公萬物一體即
先師老安少懷友信之志深莫深於此厚莫厚於

此公等作詩切不可失其意

二月

初一日

告火神 正月元日僕人不戒燒燬茅屋三間晦日
又燬茅屋三間幸而風停不至蔓延神之示儆以
寄仁厚至矣切思五行之運總關一身火之用烈
其或有怒不中情而致干其和者耶敬以香楮酒
菓告虔於神神其鑒之

初四日

立兒歸里

殷伯巖過詩

初五日

爲殷伯巖題卷 餽聾瞶自廢門外絕跡伯巖篤念

舊好迂道視我夏峯過貽賧什挑燈話夜或古人
之事或今人之情若我有懷而伯巖代爲之語若
伯巖有懷而我先爲之宣兒子輩簡舊稿以示言
無不合饒喜得印同人伯巖亦欣稱知已七年之
間千里之外獲此良友信宿言別伯巖爲我言將
一部論語置案頭合者取之不合者棄之此是伯
巖家傳要訣饒亦時舉以告同志此又吾兩人之

心相契者別去率書三則以遺之

初六日

伯巖信宿促膝互有規切言無違拂其行也再拜首
亭爲定師弟之名予曰君實吾老友豈宜在舍予
列君過虛已予未免犯好爲人師矣

與殷伯巖語三則 學問之事要得趣於日用飲食
而有裨於綱常名教其規模宜宏操功宜闢不徒
闢然處用力總是假之也故論語首章即拈出一
慍二字 富貴功名有做不出之時而聖賢家保
無不可爲之日果欲做聖賢豪傑直從夜氣清明

簡默從前所爲自當猛然汗下 論人當於短中
取其長不當於長處苛求其短平生求友老而轉
切顧安得瑩然無瑕者而事之友之乎一事足述
急爲援引要見有滿街皆聖人之意不亦不滿街
人獨指我爲聖人

初八日

爲不退題扇 君家父子兄弟俱以至戚從伯順先
生遊謹守師門教旨不肯纖毫失墜皆推君家難
弟謂君投筆作封侯事遂分矣僕謂不然昔伯曠
先生鄉居立文武兩社會交經武緯其意甚遠先

生以兩途取士君家合并於一身上馬殺賊下馬
草露市途何嘗分耶伯順平居有言武侯之澹泊
甯靜關帝之日在天上心在人中岳王之文臣不
愛錢武將不惜死皆是尼山老師真血脈從祀廟
庭應用此一般人侈記誦驚詞章乃儒生俗士所
務豈孔子所貴哉不退同學人極稱其熱腸能佐
人緩急且能容人背負此有用男子也師門教旨
儼又以此為難兄矣

初九日

寄陳金谿 士之操行莫先於固窮孔子獨難於貧

而無怨伯顯亦恒謂貧乏之徒皆人此吾黨之所
熟聞而嚴守師說首推君異君異爲新朝恩選士
不赴廷試有人詒以詩曰淵明別有書教子和靖
何勞祿養親然貧之至而無怨僕特舉以告同人
不退云伯父金谿公正好楨楨舉其事歷歷金谿
與君異俱素豐之子長而家落今年在楚暮園占
之後且已無家而操行益堅老而靡篤此其人可
知已金谿亦貢於天子數年矣例當博一廛以糊
口而閉門不問人謂力不能謁選或亦君異不以
祿養親者而金谿并不欲以自養耶賢者固不可

測也特表而出之以勵士之操行者

初十日

寄涿郡楊蒲水 語云不知其人視其友儂因國鏡

兄弟而知蒲水久矣思旦暮遇其人繼而南轅遂
歎良晤適不遇自楚來脚底濶闊人亦多每當書
梅煮酒輒津津蒲水稱爲真善人舉其事歷歷儂
曰孔子思善人而不得見可意當斯世而得之

水孟子道性善是無人非善人也經文在止於三
善則由善人而君子而聖人矣由一欲而充之化
之以至於美大聖神矣此善也體無小大而具

偏全一國之善士較一鄉則有分天下之善士較一國則有分千古之善士較天下則又有分聖賢與小人水與范陽諸君子其闡斯義勿獨爲善人也

十一日

復孖完一立兒歸具述年兄提攜至意或以爲孺子可教耶讀偕和諸什神興飛動具見學力第耄矣聾瞶自廢然不敢廢學令師說約老來讀之其味更永尙父敬義之誠時年八十有三武公切磋之咏年已九十有五每念此故不敢以衰邁自甘偷情非年兄誰可以此言告願其勉之

十二日

復崔竹湄 聞吾丈救時苦心與同境威縉之狀真
令人喜而不寐但願以策勵於初者而無倦於後
則仕優而學亦優矣所諭大梁誌事非熱心人不
肯做非冷面人不能做夫既與聞其事有可議者
不妨令人來面商之聊以佐吾才一籌可也若欲
僕身任之曷暇自廢目力心思萬不能謂郡尊之
託幸婉致之

聞東漢氣節皆名流何以謂不學曰學問中止不
已者氣節之見時至事起不得已而以節義自

人君子所欲哉均天下辭爵祿蹈白刃皆可能而
中庸不可能其斯之謂與

問孔子終身行而終身藏者也魯論叙列荷簣丈人
晨門儀封楚狂沮溺諸人又言賢者辟世次辟地
次辟色次辟言究與及門諸賢退老洙泗畢竟是
隱之意多曰行由人藏由已由人者存乎天由已
者存乎我夫子正必有心也無可無不可

問儀封人以孔子爲木鐸是具千古隻眼不知當日
邂逅之頃從何處認出孔子曰封人固賢而隱者
也其間人多矣予

不地四時之氣于貢稱其

溫良恭儉讓之德綏來動和之畧料當世諸侯王
皆非大有爲之主而晏嬰子西轡不少其人
獲展所學於當年自不得不垂教於後世該方
故見的透非無據之言

十三日

或問孔子往弗擾往佛肸其意如何曰欲使之歸
耳程子謂天下無不可爲之事無不可改過之
其意自見又問見南子何也曰孔子、以衛事田
正君正議富議教南子聞車聲而知伯玉之賢
仰孔子爲聖人獨不可借之以佐君出政乎

心腸這段機竅。孔子可做亦未敢明以告人。人亦未可輕以借口。狄梁公事女主亦孔子見南子之意。然不能反周爲唐。其何能有譽於天下後世。宋初未有道學之名。迨周程繼起。師友漸涵。而道學始盛。實自范希文倡之。希文在仁宗時。以學職爲孫明復。以中庸授張子厚。於是徂徠有石。守道蘇湖。有胡翼之。各以其學教子弟。論者徒以希文功業之盛。遂不得與道學並列。司馬君實亦然。夫謂道學不專在功業。則可謂功業非道學。奚可哉。羅仲素李延平果賢於希文與君實乎。

十四日

哭孫紹開 造物不情甚何遽殞斯人入官思古處
禮士更裕民到處留遺愛去久慕逾真我過蘇山
岑幸君託比鄰西粵與燕南不介而相親客邸借
周旋六載如飲醇君罔忘機者一朝額爲顰含悽
向予言別母十餘春久矣絕音書偏地是風塵今
母倚門闔歸裝尙逡巡一夜幾廻腸子道何以伸
我云君速去君病已切身病劇心逾急心急病愈
熱君近目不瞑我痛徒傷神哭君無可道魂應歸
省類

十五日

構斯至持家報傳五弟婦賈氏以正月二十八日逝

十六日

祭五弟婦賈氏文 傷哉賈氏自歸吾弟啟美四十

餘年內助之力難以指數雖不及侍舅姑而處兄

弟妯娌宗族姻戚之間無違禮能體恤人情予前

後兩室人終身感之絕無一言相尤使吾一家咸

既翁之兄弟且令衆多男婦雍雍睦睦於門以內

者氏之德也吾弟宰武城迎兄嫂諸姪諸姪婦於

宦鄉情理周至分甘共苦有古賢淑之所難者前

淵孫字來云汝病狀即令二兒兼程歸里不意未
抵舍而訃音已至予衰矣不能歸治汝喪就其位
而哀之汝素知大體定當歡此

十七日

問孟子之門獨樂正子稱高弟而從子敖徒哺啜其
所失恐亦不小曰王驩爲輔行雖不與之言行事
豈能不與之俱朝暮哉孟子所云徒哺啜即不與
言行專之意君子待小人之道應如此故師以之
教其弟謂正子果爲哺啜來又何爲喜而不寐
開邇來有所爲西學者非謂非元以二名教其說似

不謬於聖人曰彼即不謬於聖人但守吾聖人定
矣吾夫子以東西南北之人兼天地古今之蘊區
區一隅之見烏足窺其大觀陳相見許行而悅願
吾子勿蹈其轍也

問周公東征誅管蔡大義滅親也管蔡以殷畔正守
文王三分有二以服事殷之志非所謂大義滅親
乎孔子聖湯武仁微箕獨令管蔡抱沉寃於千古
何也曰夫孝者善繼人之志善述人之事管蔡泥
迹武周達權孔子亦取其時之所重者而已矣豈

暇一概論哉

十八日

王崑伯赴儀封令之招過視夏峯信宿言別謂之曰
君子成人之美不成人之惡儀封令能爲君子爲
善人造福於地方則我之爲君子復何說也儀封
令未能爲君子爲善人而流毒於地方則我之非
君子又何說也顯行其權與陰行其意者一聞耳
君之行也竊附贈人以言之意

十九日

鹿伯順先生文抄序 伯順先生認真草十五種行
世已久此壯年之文以節見三歸草晚年見道之

言質公先生合刻於南都予姻友茅止生所手訂
者未及傳而板遭灰燼三歸草無副本遂多遺失
范箕生於認真草十五種中錄其文之佳者六十
餘首另梓以傳屬余爲序余不嫻於文何能序伯
順之文伯順常言我不欲使人名我爲文人也則
序伯順之文者或亦不專在文也余與伯順交四
世箕生交亦四世兩家託契別有姻緣故不自嫌
其不文耳伯順質朴性直淡嗜好與俗不諱肆力
學問四十年已窺堂奧說約一編提綱數則語語
皆聖學嫡派時流露而爲文章乃質文章流露而

爲事功乃眞事功流露而爲節義乃眞節義到處
迎刃不假安排余叙理學宗傳自蓋江都以至吾
伯順則伯順乃理學中之陸子靜也王伯安也又
叙忠臣自方正學以至吾伯順則伯順又與高景
逸劉念臺同以理學而兼忠節所謂不欲使人名
我爲文人者意在斯乎箕生謂先生即不以文
自見然其文則居然歐陽永叔文而歐陽也文豈
可易視乎哉理學忠節功業文章分之惟同合之
惟一伯順直以一身兼備之矣箕生學粗後嗜讀
過於少年豪吟直追往哲其爲斯選也意亦不窮

在文也

二十日

聞箕生論詩絕不隨時流爲夫取退伯敬而進止生
其意自見因爲句 當代詩人次第評另開心眼
不狗聲每嫌伯敬流風弱豪宕獨推茅止生

一十二日

爲范烈女碑文稿

人歲寒二集

一十六日

攜幼也斐園主人索亭名暨聯願其亭曰會心聯云
起居食息觀心境花竹禽魚見化機 亭畔紅梅

爛熳香色撩人心目坐而悅之不忍去固有句

園情致遶溪流豔色收披香更留莫訝病夫偏

嗜此人一口是千秋

二十九日

靳太公闢齋處士墓誌銘 靳太公當世之隱君子

也人知軒冕之貴而不知布衣之尊唯不知布衣

之尊無怪乎岐嶷遠顯胸而二視之也予聞甯爲

刑罰所加不爲陳君所短又聞願無使王彥方知

則人之誠信悅服於二君者何請軒冕與布衣哉

以予之所聞靳太公殆其人與公諱光字子明聞

齋其別號也河南之盧氏人先世多隱德父某母
某氏公生而凝重不凡寡言笑重然諾兒時有同
儕作誑言者奔告其師曰某言無誠實請黜之鄉
人大異公終身不作誑語少失怙恃阡陌農桑之
務公身自服習勤儉治家家亦漸裕每恨二親未
遂生養風雨伏臘過墓所則泣然殞心風水不
如一日庶母第二撫恤周至竭力爲之婚娶兄弟
克恭厥兄其孝友之著於家者鄉之人罔無聞於
昆弟之言也倜儻好施凡鄉黨之不能婚不能葬
者皆力爲恤給卽負亦不較遇歲儉連積槩爲紓

貸一日以金寄館人求之不得家慮其相累願爲
陪償公殺卻之邑紳顏河趙公爲盜所獲索馬畜
甚衆公聞之悉以廐中所有叩壘贖之賊重其義
適逢雨出公性嚴重不容人之過里間有疑難者
嘗就公聽之訓子弟以躬行爲先不事浮華喜食
粗糲子弟雖仕宦不敢以鮮衣見公至有疎失雖
長不免啗斤太和目嚴肅生而禮之行於宗族鄉
黨者人方之爲太邱彥方其素所誠信悅服於公
者早已肇於兒童時矣元配劉相敬如賓白頭偕
老別無貽妾家庭聚順閭里多愛慕之邑紳出多

寇數遭鋒刃百不一免公舉家獨全可謂獲報於
天矣公伯子臺彥令予容服膺庭訓治狀稱古循
良迎養於宦邸居未幾思歸卽於是冬捐賓客臨
危時以孝弟力行教後人以清白作吏訓遊子是
公雖未嘗祿仕而素行孚於其鄉復成其子爲循
吏實於民物有造矣嗚呼其視紆青拖紫而實德
未施於人爲鄉里所誦請者不大徑庭耶嗣君以
憂歸顧予蘇門乃自爲狀以珉石屬病叟某仰太
公布衣之風感令尹君不於軒冕而徵山人風塵
外別有元嗜按狀公生於萬厯二年六月十六日

卒於順治十年十一月初八日得年八十有二可
謂上壽矣子男二長臺彥即容城君娶■氏次鼎
彥邑庠生娶■氏女三長適邑庠生姚璋次適邑
庠生薛學貞次適邑庠生楊蘊孫男三長考祥臺
彥出次旋祥次元祥鼎彥出俱未聘孫女三長適
庠生王基次幼未字將卜丙申某月日奉兆於■
■之麓嗚呼古來英人偉士得志則爲帝王師不
得志則與家庭言孝弟禮讓已耳若公者終老布
衣雖無勲績聲施而卻館人之償不爲利疚叩賊
人之壘不爲威移豈中無所主而然歟余嘗輯古

立節之士結異代之知而公實可傳也因系以銘
銘曰古有至人抱璞含真逃名適志混跡同塵猗
歟斬公繫維逸民乃竟抱璞以終厥身有肝鬱鬱
有後振振嗚呼我將續野史以薦藻蘋

三月

初一日

言學者偶言其心之所見不必定求與人同不必
定求與人異一有求同之心是謂雷同一有求異
之心是謂好異雷同是拾人咳唾之曲士也好異
是謬爲隱僻之詖學也與其多一言勿甯少一言

大哉聖人之道無不包也無不入也所謂語大天下
莫能載語小天下莫能破凡禪元刑名技藝之流
其說之稍有當於理者聖人之道卽具焉然其全
體大用自非禪元刑名技藝之流所能窺謂禪元
刑名技藝之流必無一同於聖人之道者是惡足
與聖人之道之大

初三日

友人問修志大旨予曰見於經則夏有禹貢周有職
方此作志之體也然其所以提醒人心風俗者其
吃緊全在人物評騭未當是非失真何以示勸懲

秋之義嚴於袞鉞志卽無瘳惡之例彰善旣肅耳目自開嘗見覃懷志人物以聶政爲首雖按世代叙列而政豈垂世立範之人須於人物中分列數款先埋學而忠節而勲業而文章以至孝子節婦俠士等類此未可泛爲論列令人貿然無所適從也或曰此史家之例通志府縣志未免擬於僭曰吾鄉孫少師修高陽志於此義籌之熟矣覃懷前有韓文公後有許文正自是人物之首薛方山集中向與安陽崔後渠嘗論宏治間人才在中州者則以何柏齋王蒼公爲首稱謂其志於埋學而李

空同何大復王汝川孟有涯諸公則文章氣節之

士耳臨汾張西磐吏書亦與後渠之論同

何名塘河內人

王名尚綱

邠縣人

後渠集中稱司馬公言顧行立功以德尹和靜學爲已述程弗滑許魯齋筆修紀尙行克立又皆豫產出口祀諸合前方山之論則理學之在中州者可屈指數矣

初四日

安陽郭東野太宰修鄴郡志當事者欲列其祖若父於人物太宰固辭乃錄其誌文二首於藝文之末

太宰識其後云郡守常公以樸固辭先祖父免列
於人物特令錄此載入莚文非樸敢自專也味斯
言也太宰眞善於處已善於處祖若父每見士紳
修志者居已過高則持論者卻嚴責其短爲其祖
若父標譽太甚反致同儕苛求其訾而醜詆之竟
廢厥事三十年來見此屢矣儂嘗謂非自愛以愛
其祖父若太宰者眞賢矣哉

初七日

讀薛方山高士傳摘論 從來隱逸之士要皆樸穆
自守不見可欲其在唐虞之世有被衣王倪齧缺

固太古之遺也巢由一流則不受天下之讓以爲累已而逃之三代之時若卞隨務光伯夷叔齊其人之高不在唐虞諸人下或者惜其自沉稠廬餓死首陽猶有烈士殉名之說周之季去古旣遠時乃有商容老氏之徒棲心元漠亦被衣倪缺一流子臧季札敝屣侯封甘心徒步視老萊子林類榮啟期披裘公江上丈人飲水墾山拾穗行歌帶索鼓琴披裘負薪者固無以異也荷簣沮溺石門諸人隱居自適於世無涉孔子欲接引之不可得壺邱子林老商氏列禦寇莊周蓋亦老氏之流段干

本東郭順子公儀潛皆離羣絕俗其與陳仲子許
行雖未免爲孟子所責備較諸乞墾登進不亦霄
壤也哉擊伯陵名峻在漢武時已逆知仕路之危
成公安邱望之郁越宋勝之張仲蔚嚴遵楊寶麟
順鄭樸李宏彭城老父當成衰之世王莽用事禍
幾已著宜其高蹈而遠引也子陵交叔同學故人
既已聘至而箕踞抱膝張目熱視恐亦不免爲天
子所動牛牢被髮屢詔不答一何簡易也光武中
興賓禮遺逸風流所漸而懷寶席珍之士若向長
東海隱者梁鴻高恢韓康法真漢濱老父陳留老

父徐穉魏桓周燮黃憲姜肱鄭元任安龐公黃岐
荀靖諸人高蹈邱園枕棲山谷皎皎雲霞之表至
有激揚名聲互相題拂以釀成黨禁者斯其人縱
高君子不由也申屠蟠見幾郭泰袁閎僅免猶自
取焉漢之末世黨禁甫釋而董卓煽亂曹操陰危
此何時也士生其時以才華技能而罹其害者不
少矣嗟夸李謚詩書自娛徵辟不就管甯遠涉遼
海張璠易簪絃歌胡昭樂道冠不恐犯而焦先屨
累寒貧子則更起脫皆優游以終真鳳翔於雲霄
之外晉之衰也雖以清談然孫登譏火之語華京

乾道之篇夏統上風之容魯褒錢神之嘲或安這
之破琴附清節之歸去其曠遠孤高陶係其風多
矣可盡以清談目之乎齊梁無時天地閉賢人隱
宗炳宋瑒孔潛之周顒之崔法暢褚伯玉阮孝緒
臧榮緒庾易宗測沈麟士馬樞固宜放情江海遁
世邱樊矣揚隋之世氣運短促李士謙崔廓張玄
胡革忘懷纓冕與世相忘此豈可以易視之耶唐
興賢人在位衆多其道哉不屈者纔數人耳元德
秀宋就惟李元暉高天經秦系崔顥陸龜蒙若輩
象音則傳所未及特表而出之五代之亂極矣誠

陽作史謂其時搢紳之士無復廉恥僅得四五人
 列之一行傳余取而觀之自鄭遨外猶未免有負
 俗之累耳宋室祓運文明丕彰慶厯以後君子滿
 朝馴至熙豐以迄南渡之後學禁旋作善類受累
 孰與李漬魏野邵雍松江漁翁杜生醬翁蘇庠劉
 永一張舉南安翁順昌山人蘇雲卿郭雍形潛林
 壑氣薄雲霄其視弓旌綸帛之品若將免焉非惟
 富貴功名不可同日語而以理道招尤者亦嗟乎
 其後矣完顏羯胡據我北土士生其時亦甚不幸
 考之史冊得高蹈者六人趙質郝天挺高仲振宋

可苦褚承亮不對策而出杜時昇以伊洛之學教
後進尤其卓然者也何時哉宋之遺民甯死不仕
者實多杜本張樞孫轍危復似若未足爲高但吳
許大儒以扶世淑人之故不能決於去就之間苟
責者未免有遺議則四人者豈不卓然也哉我明
開基以暨靖難功業節義跨越前代獨徐舫簞笠
以示同儕傳淳退密以傳家學鮑恂辭宮輔之榮
謝應芳甘齋巢之隘織屨者直絕師相之交襲詡
不負城門之慟亦各從其志也已矣按高士傳肇
自皇甫謐阮孝緒請人薛方山復爲冊補更取晉

魏以來擇而緒之余於方山摘論中去頗會諸大
賢錄以示吾同志蓋隱士一流原不必律以聖人
之道而亦不謬於聖人孔子而遇此輩自當禮敬
而接引之下車於接輿反見於荷蓀其意自見余
素知欽企此一流人望兒亦輯有一編名曰求志
錄其人可與此互相考也總之可貴者心隱爲上
身隱而心不隱畢竟有終南捷徑之意南史李延
壽氏謂碧澗清潭翻成麗陽挂冕東都何難之有
千古應不乏此素心人也

初八日

從來史家荀悅袁宏前後漢紀范祖禹唐鑑歐陽修
五代史各成一書咸可法戒司馬光資治通鑑上
起戰國下終五代先後貫穿而一千三百六十二
年之事迹燦若指掌紫陽因之而成綱目事半功
倍則司馬一生精力可謂不枉費矣自宋以下有
李燾之長編劉時舉陳桎之續編讀者謂其紀載
失次筆削未當薛應旂雅志紹司馬氏之事竭十
餘年上下於宋元四百八十二年之間成茲
一百五十七卷之書名曰宋元通鑑未獻之闕下
尙藏之家塾元儒揭傒斯有言修史在於得人有

學問文章而不知史事者不可與有學問文章知
史事而心術不正者不可與世安得如薛氏其人
者而與之論史哉嘗思宋亡於元明祖驅之漠北
復我中夏不以滅宋爲元人之罪而曰天命真人
於沙漠卽位之明年遂輯修元史聖意淵微未可
盡窺然國可滅史不可滅則其較然者矣

初九日

我明之成憲典章秉切監觀萃出之志因病卧窮山
微文考獻罔無所據竟成虛念所見通紀吾學編
大政紀本朝紀事始末從信錄憲章錄暨零星野

史數種其書又皆散遺議者謂通紀做編年而燕
鄙吾學編効紀傳而斷落大政紀謂爲某相私書
邇有同志相期欲共成四朝實錄聾瞶自今不能
執筆而往竊思此事關係甚大念之爲公爲私人
之或真或僞天地鬼神實爲鑒觀愚夫愚婦各有
直道亦嚴矣哉春秋作於二千二百餘年之前嗣
其響者獨推綱目我祖有靈當有卓識大手任其
責者矣

十二日

宋文憲公濂謂儒有七曰游俠曰文史曰曠達曰智

數曰章句曰事功曰道德道德之儒孔子是也餘
皆不足以入道儂謂六者備用之不可以入道正
用之何嘗非道獨儒而偽則鄉愿也儒而禪則異
端也此正孔子所惡而攻之者與

十五日

聖門俎豆古今鉅典尙有濫竿無怪乎鄉國之名宦
鄉賢多失真而假竊也程敏政考正孔廟祀典議
禘祫罷祀者載聖烈而賈逵馬融何休王肅王弼
杜預八人各祀於其鄉者鄭眾盧植鄭元服虔范
甯五人又議黜楊雄荀況而進王通胡瑗皆確有

所據至顏曾思三子之父坐廡下而三子坐堂上
必有不安於心而不敢歆其祀者中理中情三賢
父子當擊節九原之下并程珦朱松俱從祀啟聖
祠可謂曠識確議吳沈孔子封王辯改王爲師張
季敬以其說進始定至聖先師之號想孔子亦以
爲知我崔後渠於十哲之中欲退冉求宰我而進
有若公西華未知當否錄存以質諸天下

十八日

孝經辨義序 子曰吾志在春秋吾行在孝經春秋
之義隱而難明固不敢擬望於後生小子孝經明

白簡易童而習之矣白首未悟也余閱黃子道周
孝經辨義數則可謂能讀孝經人矣五字皆先引
詩而後發明玩味本文其義自見分章錯亂不善
讀者之過也黃子在獄時手錄百本本各爲跋究
也忠成足色亦止竟其讀孝經之事竊嘗思之我
明太祖經緯天下首重孝經逮及孝宗世宗神宗
測其淵源實資茂本至烈皇帝頒布學宮申飭誥
教累經祖宗培養始篤生一能讀孝經之人是豈
偶然因令孺子輩各手錄莊誦並黃子之辨義附
之以質諸天下後世

十九日

爲麟書抄序

稿入歲寒二集

二十日

出師兩表大哉武侯之言一哉武侯之心先帝二字
凡十九見其所以感動後主與僚屬者至誠淋漓
入人微隱漢賊不兩立一語大義凜然雖云王業
偏安而正統攸歸昭示千古武侯之烈也古云不
召之臣甯直爲三國第一流人物先儒謂有儒者
氣象僂謂有體無用之儒何足當武侯一盼

二十一日

論道統者曰堯舜禹湯文武周公孔子而已然所爲
則判然各不相襲亦不相非所謂殊途而同歸者
耶後之學者必欲較量於一字一句之間何其示
人不廣大也吾見有兩人焉一守紫陽一守姚江
守紫陽者見人有纖毫不尊紫陽則以爲操戈紫
陽也守姚江者見人有纖毫不尊姚江則以爲操
戈姚江也其守之專而衛之嚴如此儂固喜兩人
之專而嚴也專則力聚而內念不紛嚴則途一面
外誘不亂皆有真實向學之意然天下之大古今
之遠豈有一紫陽遂可廢姚江有一姚江遂可廢

紫陽耶且紫陽姚江大段符合其不符者不過格
物三兩言亦各存其所見而已豈遂有悖於孔子
哉洩湯武禹周未經孔聖人之論列又不知曲學
之是非何如

二十四日

神廟時三儒講學京師相戒不言朝政闕少墟辨學
錄跋越俎之學一段謂孔子論明德新民子思論
天命率性孟子論夜氣性善皆是空論何嘗著跡
無論居官居鄉當講學日不得談及他事論及他
人方得講學家法不然是以講學當講學以論人

富講學也如此委婉宜免人言不知人之妬之者
只講學二字便犯其忌此朱童蒙所以有憲臣議
開講學之壇國家恐起門戶之漸欲其以東林爲
戒南臯雖疏陳其學之原侃侃諤諤喚醒述人人
孰聽之偃嘗謂士大夫各務講學之實不必立講
學之名乃所以爲天地留元氣也

二十五日

宋文憲以良平爲智數之儒偃謂平固以智數見奇
而良之智數則更有深心矣爲韓之心旣遂而起
然高蹈能免高帝之疑其託赤松也高帝信其然

耶則以爲神仙重於富貴如其不信則以爲知盡
能索不復有爲而惑於虛幻可以釋然不爲之顧
計良始得遂其本懷耳智術從至誠淋漓而出伊
川所以謂有儒者氣象

二十六日

以賈長沙之通達政體而不能得用於好賢求治之
文帝君臣相遇亦可謂難矣有謂非漢文之不用
生生之不能用漢文也有謂非生之不能用漢文
實漢文之終不能用生也假謂君臣魚水各有機
緣相信非素豈能驟合漢文經惠帝昏弱呂后擅

權意在與民休息而徐議經制生之議改正朔易服色制法度與禮樂意在速更秦法以新天下之耳目緩急弛張之際既不能卒投而絳灌諸人又從而議其後此魚水之難也迨後漢文於生之所言漸次遵用而生年不永君臣相遇之際遂未免有遺憾焉凡此皆天也非人之所能爲也

十七日

薛子方山有言責人不可不嚴論人不可不恕孔孟待人家法也故以隋之文中子唐之韓文公皆賢儒也言理學而舍斯二公者非通論也又謂蘇軾

宋之賢臣也儒而未純者也取其合抱之材而不計其數尺之朽子瞻亦可爲經世者法

二十九日

人生最難透者死生之關張魯叟有言冀百歲爲期冀千歲爲期則畏首畏尾日前無生人之樂拚今日可去拚明日可去則不厭不惡胸中有不老之丹儂極服膺此語乃石奢之死胡爲也哉奢楚昭王相也行路遇有殺人者追之乃其父焉縱其父而還自繫使人言於王曰臣罪當誅王赦其罪奢曰不私其父非孝子也不奉王法非忠臣也王赦

其罪主惠也伏誅而死臣職也遂自刎儻謂竊負而逃此案正爲奢設況王旣赦之必以死而彰父之罪較侯生數椎殺督鄙之日而自盡者抑又過矣生固不足戀如奢之輕生亦何足貴乎

四月

初一日

仲尼之徒無道桓文之事者於是弱術始不足貴矣以今觀於用入行政之間其所以匡救天下者烏足當伯者之一盼耶晉文所稱請而不正與楚人黷以敗之歸而行爵先雍季而後舅犯羣臣曰城

漢之事舅犯謀也用其言而後其身可平文公曰
此非君所知舅犯不厭詐僞之言一時之權也雍
季以詐遇民偷取一時萬世之利也仲尼聞之曰
文公之伯也宜哉漢唐宋有爲之主未免有慙德
焉況其下者乎

初四日

報達元先生 某幼而讀書謹守程朱之訓然於陸
王亦甚喜之三十年來輯有宗傳一編其人不下
四五十謂識大識小莫不有孔子之道小德之川
流也及謂先生渥領指示覺人繁派清殊非傳宗

之旨故止存周張二程朱陸王七子標曰宗傳錄
然於舊所彙四五十人者終不敢有散佚也若云
付梓淺學曲識不能自信烏能信天下後世又念
宋文憲方正學根極理要開我明道學之傳復彙
數人爲一編內雖有學焉而未純者要皆各具一
得錄以備考此三種者皆欲攜以就正先生恨未
得各家全書零星收錄不成片段邇於同志中得
兩人焉一守建安一守姚江某嘗舉先生建安沒
而天下之實病不可不洩姚江沒而天下之虛病
不可不補守建安者謂建安何病病在姚江之支

騷建安守姚江者亦極言姚江無病其守之事而
衛之嚴兩人者固各守師說不至流爲陳相但求
免虛益虛實益實信於先生之言更有會焉且於
陳良有光矣孔子教人之法孟子教人之法雖稍
有異朱則成其爲朱陸則成其爲陸聖賢豪傑豪
傑聖賢卽有不同亦不失建安姚江面目又何病
焉某謂學人不宜有心立異亦不必著意求同先
儒不同異後儒何處著眼試看從古帝王賢聖放
伐不同於揖讓清不同於任任不同於和清任和
不同於時殷之三仁所生之時同所事之主同而

或去或奴或死判然不同亦各存其所見而已矣
先生云少墟之方南泉之圓不能圓其所方方其
所圓則圓可也方可思如毀方而圓便非豪傑本
色孔中所見教者卽姚江復生指天泉四無之說
亦當拜直諫之益某唯有佩服間嘗思之固不敢
含糊一家之言亦不敢調停兩是之見念不墜之
緒卽剝喪蔑貞必存乎其人譬之適都者雖南北
之異遠近之殊要必以同歸爲止總之學以尼山
爲宗孟氏不同道姑舍是乃所願獨學孔子論性
之原孔曰性相近孟子曰性善孔子道其全孟子指

其本孔子謹於習孟子充其端兩義互資此正尼
山大中至正一無所倚非純乎天而人不與者其
誰能之克己之難孔子獨以語顏氏元公純公而
下亦未易言某於先生言無杆格今遵建安者痛
除頓悟以爲顏子極仰鑽之勞斯見卓爾曾子力
隨事之察斯唯一貫若所悟出於頓人已隨別事
物遺棄聖賢之傳授無之不知頓從漸來無漸何
頓可言天下之歸於一日正以有克復之漸也吾
道之貫於一唯正以有忠恕之漸也紫陽亦云用
力之久一旦豁然貫通則衆物之表裏精粗無不

到而吾心之全體大川無一胡何嘗非頓悟乎用力在平時收功在一旦漸者下學也頓者上達也不可以分言則頓之非虛而漸之非實當不作岐觀矣

初六日

質疑達元先生四則 方山學極醇正抑詞章而根理道於考亭淵源錄中論孔子教人之法與孟子教人之法朱陸所得事各有據語出獨裁且開涇陽之傳乃未見有人推爲理學者豈尙未覩其大原耶至謂孟子之門獨樂克告子如萬章公夏

之徒直衆人耳此果孟氏之教術未盡耶抑天之
生才有數耶儀行縱橫楊墨充塞使無孟氏世道
人心不知作何光景昔人稱孟子功不在禹下豈
大言而無當者哉人才關乎氣運人特因而曲成
之天未嘗生大聖大賢之人孟氏如彼蒼何若以
其教術少之陽明直接孟氏何門下士多於薛德
溫先生曰德山其今許平仲乎平仲紫陽之後一
人其教術豈有夫義耶幸教之國宋室理學之倡
范文正開之司馬君實亦躬行實踐乃理學之列
二公不與焉我明方正學乃讀書種子劉念臺之

外亦無人推及說者曰文正君實事功太勝正學
節烈太勝夫事功而以學出之則事功亦學節
烈而以學出之則節烈亦學也先生其謂之何
從來推堯夫爲內聖外王之學晦菴亦云安且
矣邇黃石齋遂駕之於元公之上謂二程只見程
元公田地不到堯夫田地先生謂陳公甫其今之
邵堯夫乎乃論公甫者多指其爲禪夫公甫而禮
也豈得與堯夫列先生必有以窺其微而指其同
者矣某居蘇門時詢此中人物許平仲而後也
學善稱者崔後渠何柏齋王菴谷呂心吾其後也

可得聞與四人之外先生所知者并以示之邇友
人欲商中州人物志當執筆以事先生有便幸惠
教爲望

初九日

儒者談學不啻數百家爭虛爭實爭同爭異是非邪
正儒釋真偽雄辯無已懷謂一折衷於孔子之道
則諸家之伎倆立見矣論語中論學是希聖希賢
之事論孝是爲子立身之事論仁是盡心知性之
事論政是致君澤民之事論言行是與世酬酢之
事論富貴貧賤是境緣順逆之事論交道是親朋

取友之事論生死是生順沒寧之事只此數卷論語義不備千聖萬賢不能出其範圍識其大者爲大儒識其小者爲小儒不歸本於孔聖之道者則異端邪說是謂非聖之書不必觀可也孔子韞櫝之藏被孟子傾囊而出只是要認得孔子

千百世後之孔子愚不肖知之當年之孔子賢者亦未易知也叔孫之毀晏嬰之沮比比而是卽及門如陳亢者想亦不少其人故其自言曰莫我知也夫蓋孔子原難知也人人知孔子則孔子亦人耳孔子人而天者也天平豈易知哉子路稱高第其

徵色發聲者不一而足況其下焉者乎後之學者亦不過各就所見以窺孔子涇陽推元公爲孔子抑過矣大凡刻於見短者近毀賈於見長者近譽毀譽兩病學人易犯吾之於人也誰毀誰譽須臾孔子

十二日

哭六姪抱雅文 初十之日客來問病忽家報至傳爾訃音變出意外惻怛難堪悲號無方闔家男婦哭爾於爾兄之室越三日氣體稍定爲爾之位文以哭之曰慟哉爾竟死也耶爾年四十三矣從來

本分自守毫無分外事言喃喃不出口讀書早解
文苑予與爾父冀爾之早有成也不意老大竟不
能博一弟子員初爾天不可問及爾之子永徵官
知向學遂領袖諸生始信不於其身於其子孫者
天之原不爽也爾甲午冬視予夏峯以貧愁瘡
別去既聞爾病予謂貧愁自應生病不謂竟以貧
病而死也嗟呼慟哉病不能視爾葬不能送爾千
里之外爲位一哭爾其知也耶其無知也耶

十四日

哭楊伯韜 親丈之逝也在四月之十日予以病

及過視與君訣是日慟予猶子兼慟君氣益索體益固越四日辛酉將鷄酒餽卽几筵而告之哀曰嗚呼伯韜可憫也伯韜自甲午四月攜家抵蘇門與奏兒締交焉頻視予夏峯坦襟直意予喜其無藏機也乙未春遂與望兒結朱陳好歲邸迎其女歸夏峯時君病噎已數月矣日夕念其弟來視予固知其弟相去幾二千里不能卽來然伯韜友愛之篤更令人起慕伯韜無子撫一姪亦於歲前畢婚生前每念一女一姪未有所歸今幸二事就緒君目可瞑矣予有所以憫君者人當啟手足之日

有餘則戀不足則憾君沒之日無買棺之具無停
柩之所病妻孤姪生計無資當此際戀耶憾耶造
物不可問大都如是吾人亦可泯戀與憾於兩忘
矣

十五日

老子言虛釋家言空彼固各有說邇來言學者必欲
援而引之與舜無爲禹無事文王無畔援欽羨孔
子無意必固我子思無聲無臭同意果何爲也哉
子曰攻乎異端斯害也已孟子曰能言距楊墨者
聖人之徒也必欲強異爲同翻覺多事

歸禪者謂其能了達生死不知朝聞道夕死可矣只此七箇字便括盡千經萬典豈問死亦可稱明決士大夫有生前無間而死的不分曉將并其生平而喪之有死得明決而因以諒其生平者臨了一著脫然無累方是聖賢真學力

十六日

愛身教子是吾人最緊要事則以其身之無飢寒無勞苦爲愛而以其子之能擢利能擢名爲肖子矣少年有志物誘未深向學猶易閱世久窮通得喪毀譽欣一內撼外搖初志潛移或廢於半途或墮於

末路此今普通患也終始不變非深造自得者不能

儂嘗謂得一知學之子弟必其祖功宗德培基之厚
衍箕裘而垂令緒較之一官一爵榮及所生者爲
何如

昔人謂富之教子宜使重道貧之教子宜使守節儂
謂無貴賤貧富總宜使之知學則無一善一節之
可言

人須有沉深蘊蓄之器方可以進德修業寸善片長
便沾沾矜詡以爲人莫已若恐終亦猶夫人而已

十七日

文皇靖難之時以叔代姪非盜賊可比而死國之臣
一時累百三代革命未之聞也兩漢以還勿論已
至今讀華朝志人各爲傳卷類爲五難作而死於
中死於外者曰死難任事不幸而以死自靖者曰
死事不與難不與事而其心必不苟生而死者曰
死志義不變面易辭而甘流離屏遠終其身矢死
而不賣者曰死遁於時未卽引決而知生不若死
之安也而卒死之其與死難死事死志死遁似有
間矣然亦可謂有死而庶幾不遠之復者曰死終

噫烈矣哉義憤磅礴震耀奇偉雖沐浴文武之澤而不能不義夷齊也甲申三月先帝身殉社稷死難者屈指數人觀建文之時何如哉論者猶有有臣無君之嘆抑過矣

十九日

問古人喜怒哀不形是何如涵養曰喜怒哀樂性中之情發而中節天下達道只是不溢喜溢怒若喜而故示之以不喜怒而故示之以不怒則謫矣僞矣非大公順應之學顏子忘已顧禮戰克伐怨欲不行其涵養自不同

患貪好勝怕死此人生通病也對治之藥不能當下
有疹時存納溝之志則漸淡其欲富之心時思睡
面之乾則漸消其攘臂之氣時味朝聞夕可之言
則漸破其貪生怖死之念勤服無斃藥力自行

二十日

馮恭節有言念中非聖念元非仙念空非佛蓋有中
有元有空卽有我也我見生則勞焉馳逐而成紊
我見忘則廓然順適而無跡試想子絕四是何如
境界

二十一日

友人謂凡人皆有喜怒哀樂之未發當其未發時似亦無意必固我之可言也曰是未嘗從源本處理會戒慎不覩恐懼不聞君子無須與離道之時纔能於天命之性渾成無間所以未發謂中中節謂和純乎天而人不與孔子無意必無固我總一於穆之天也而位之育之只作家常日用平常非戒懼君子純全乎天者誰敢冒昧承當偶有未發偶無執著不可謂非一息之靈光但恐不須臾而意必固我之盤結於中者已橫決不自覺僣極喜吾丈之言及於此然正可作工夫不可遂據爲實地

我輩要自家體認勿隨他人口頭也

憶在淦水湛虛司馬謂德行言語政事文學四科俱
聖門高第後世具備長者代不乏人至若諸葛武
侯司馬溫公則諸長具備而不得列於理學之科
吳草廬且謂其不免爲行不著習不察此言果知
道者哉余曰孟氏之所謂著焉察焉者殆未易言
也想如舜之明庶物察人倫方可語此信斯言也
則孔子所謂日月之至不知其仁者未免有愧色
焉何疑於武侯與溫公

二十二日

孔子之時楊墨之道未興所謂異端者似忠信似廉潔之鄉愿色厲而內荏之穿窬同而不和比而不周驕而不泰之小人外是而中非名同而實不同者也孟子之時楊氏無君墨氏無父實異而名亦異其說雖橫言滿天下毒流後世然無父無君其教終不可以治天下畢竟人知其爲異而黜之偽之徒或不免相率而歸之者總因不能反經而周於德自撤其藩延賊入室耳邇又有西學非楊非墨非禪非元儒紳學士亦有歸之者儂究其說曰一本於天是謂天主其說固不謬於聖人儂曰既

不謬於聖人則亦謹守吾聖人之教而已矣何至
自甘爲陳相平噫聖人之道如日月經天江河行
地彼異端曲說縱多陳相之徒燭火耳冷蹄耳豈
能與日月爭明渤海爭流哉

客談士趨日卑世道何所底極曰此氣運使然非人
之所能爲也虞夏商周之治邈乎難覩漢承秦唐
承隋宋承五代明承元皆餘分閭位之後懷法亂
治之餘勢不極不反氣不閉不開豈人之所能爲
哉天也

二十三日

吾人一生四五十年之內所處環境不同所歷生
熟之境亦異以初而概其終以終而信其初皆非
定論也其學適道與立與權之級
吾友伯順四十年學三變初重節依繼而入官中
明嚴章老來所學遂於理道志趨轉議論亦隨之
而轉朱子晚年與初年自不可以一概論不必代
他作廻護耳

二十六日

同于夏漆雕俱聖門高第于夏日學而優則仕夫
學安得有優時學然後知不足自覺偶有優時則

滿假之心生非學也漆雕開曰吾斯之未能信廣
幾乎學而優者矣曰要看各人發言之旨子夏之
言爲世之不從事於學而輕言仕者發于路使子
羔爲費宰子曰敝夫人之子子皮使尹何爲邑子
產曰猶未能操刀而使割也子羔尹何豈全未嘗
學而夫子與子產云爾者見古人學不優弗可仕
開則夫子使之仕者故恍覺其未信焉諷其言當
會其意泥則滯滯斯無用此仕必待於學優也

二十七日

舉史書不遺一字者明道謂之玩物喪志而每見人

靜坐則歎其善學此意亦非學者自得之若騃講
人又疑其流入禪門去

善學者惟破其執心而已執則偏偏則窒流害不可
勝言從來敗天下事者多此一流人孟子謂孔子
聖之時者也其自言曰無可無不可門人記之因
母意母必母因母我纔成就一箇千古第一好學
之人

有腴田一區子弟多獲而卻寡得子曰汝知之乎
病在正助不順其地之長養之性宜緩而急求之
是與於掘苗之甚者也因思人生無日無正助之

念無刻無正助之思試默自體認自見

二十八日

誠者天之道生知安行之事也誠之者盡人以合天之道學知利行之事也孔子天縱之聖竊自此於學知一貫之傳曾子以魯得困知勉行之事也及其成功一也

五月

初一日

問學庸語孟以何爲把柄曰分言之學而時習之孔子之把柄也在明明德曾子之把柄也天命之謂

性子思之把柄也亦有仁義而已矣孟子之把柄也合言之學也德也性也仁義也一也皆吾心之所具足而不容外求也

仁也義也性之德也學則所以復性明德而葆其仁義者也學之功用大矣哉自生民以來未有孔子未有孔子之好學也

張榮垣司理爲余刻甲午乙未丙申答問

初三日

答問引 答問者有問而答也總日用平常之事與日用平常之人爲日用平常之言亦有不待問而

自爲言者偶有所觸不能自禁輒以告我同人誨
我子弟然未免犯多言之戒僕嘗謂多一言不如
少一言蓋言有不當則積疑於中是即疚心之事
也有疚而不與衆共去之將生心害事流弊何可
言是以自護而成其自悞耳因錄數十則就正有
道覽斯言者肯不鄙而詩正之後雖毫末敢不勉
自策勵冀一朝之有聞此懷請益之意若云以之
誨人則吾豈敢

初八日

詩馬玉笋 人生拂意常多於得意然學問得力卻

在拂意之時劉兩峯有言不能看破榮辱得失之
關風吹草動便手忙腳亂學於何處用想先生淵
識定力斷不以此動心也

十四日

公望謂子陵何以隱
水千載一時以孔子
用行舍藏之道律之於義
曰豈易之不事
王侯高尚其志者非耶既已
友
委質
爲臣以已之高而成君之大則其道已行也足加
帝腹傲然自得其隱隱裨益光武者多矣

十六日

公望謂予曰某者前朝遺老當國破君亡而晏然
高享厚於義當否予曰果無出山之意似亦可矣
公望曰宋室孤臣只欠一死謝疊山常言之當此
時而屏絕聲勢歸鄉農樵不亦善乎予曰君可謂
愛人以德矣

十八日

范文正爲宋室忠義人物可與雁行者惟韓魏公耳
魏公謂挺然忠義稱不顧身師魯之所存也身安
國家可保明消息盈虛之理希文之所存也又曰
立一節則師魯可思達其終身不免終亦無所濟

若就大事以濟天下則希文可也其推重如此論者謂其以憐才之過選用三虎招引一時才俊之士聚在館閣如蘇子美梅聖俞之徒輕儇戲謔作樂屬飲傲敬狂肆王勝之句云歌倒太極遺帝扒周公孔子驕爲叔仁宗大怒令中官捕捉兩館閣之士罷逐一空此雖浮薄之士自取其禍而文正作人之功開鑄之手得無有遺憾耶

十九日

士大夫議論偶激遂成終身之隙從來犯此病者多在賢知他勿論韓范議西事不合仲淹徑拂衣去

魏公自後把住其手云希文事便不容商量耶和
氣滿面仲淹意亦解只此一把手間消融幾異同
魏公所以能當大事也

魏公論君子小人之際當以度容之但知其小人當
漫與之接耳凡人至於小人欺已處必露其明以
破之魏公獨不然明足以照小人之欺然每受之
未嘗形於色

二十日

不遜聲色不殖貨利成湯所以爲聖王淡薄明志
靜致遠武侯所以爲王佐內多欲而外施仁義便

是雜伯之學

武侯之言曰學須靜也才須學也非學無以廣才非靜無以成學恬慢則不能研精險躁則不能理性此之謂真儒此之謂名世

二十一日

商其淪喪微箕兩兩商量而比干獨無言者志已先定不必言也自靖人自獻於先王三人固相視莫逆矣一去一死死別決不同同歸於仁於此見道之大非予不能定此案

二十二日

學問在日用飲食之間只無心省察祇成一行焉習焉飲食之人而已矣忽歲月多愧此日用飲食

奇士厭聞庸常之言豪士喜之事文士愛搜鹽癖之書雖取快一時而貽害甚遠

二十三日

三綱五常極平淡之事奇士豪士文士望而卻走須節士知學方可入道不知學亦一節士也

二十四日

人莫有不懷居者卻舍天下之廣居而不居人患不

自立卻舍天下之正位而不立人患不能行卻舍天下之大走而不行所以處富貴而淫於貧賤而移值威武而屈無所主故也我輩當嘿自體察居之不寧之不立道之不行孰非已私隔斷私益熾而錮益深迷盡喪其所有如窮人無所歸顏子克己復禮而天下歸仁故其言曰舜何人也予何人也有爲者亦若是此真孟子所謂大丈夫

二十五口

何謂性孟子所謂存乎人者之良心是也此點良心雖幾經旦晝反覆猶亡而夜氣之息猶留相近之

幾希如赤子入井行道弗受皆人生不容漸滅之
良賢愚各具所謂性善也能葆○而擴充之則由
仁之端而仁不可勝用由義之端而義不可勝用
不知於此處著力而斧斤之伐牛羊之牧相尋不
已何怪乎達禽獸不遠哉庶民之去咎在頑冥無
知君子之存功在擇執得力

與張方伯 自壬辰歲夏蘇孺人送其女北來與其
僕姚文煒約明年來視以便圖歸今五年矣杳無
音耗主母屢有諭帖總若罔聞此分莊產茅總戎
族黨姻戚公議立單府縣批照嫁女養孀第辭其

嫁女之半留一半爲養孀之資今一出門僕利其
有悍然不顧主母之命終置孀人於何地乎蘇孀
人忍死爲總戎立節此田不存何以終老聞茅公
子其岳家少年想亦不能作主蘇
乞仁臺付本縣一查催令文煒來迎
人君子所不忍膜外置之也不盡

二十六日

輝令吳吉先過訪

讀古人書不可泥古人之辭以害意亦不可移古人
之意以從我漢儒於古書之句讀脈絡削去其不

合者而更定之豈皆當乎孟子誦詩至雲漢讀書
至武成不膠於見聞而直據所見此其所以爲知
言也

二十七日

憶萬厯癸丑歲讀書都下友人潘宗顏談將畧予因
問孔明隆中淮陰登壇何術使人主遂傾心相付
潘云要看問目先主所急者爲無家孔明爲之立
家業漢高所急者爲坐困褒中淮陰爲之計出路
機鋒正對莫逆於心君臣朋友之投合槩如此陸
象山謂燕昭王之於樂毅漢高帝之於蕭何蜀先

主之於孔明符秦之於王猛其所以深知而篤信者蓋必有在不可不理會者也

高皇於北方捷至則嘗仕元者不許稱賀其扶植綱常亦嚴矣哉建文朝多死難者君子之德風也老臣危素夙崇理學一失節焉竟死溝瀆人莫之知范質爲周宰相親受顧命國祚旣移質以篡責藝祖至其發慙負天地之言明目張膽慷慨就戮豈不毅然列丈夫也哉無奈効忠智短偷生計長不得已亦拜甘與王溥同列應死而不死終老牖下君子曰非正命也

二十九日

商斗南三十年老友也每視予輒曰爾牀夜話惟恐
其相去之速斗南亦曉焉忍言別然終不能不
別去也
故不能不鎮重此一晤耳余嘗欲築百尺樓置管
幼安田子春於其上斗南請益以魯仲連王彥方
予知斗南者深更有以知命我者至矣

閏五月

初一日

孟子謂大而化之之謂聖聖而不可知之謂神則大

與聖神若有間矣易曰大人者與天地合其德日
月合其明四時合其序鬼神合其吉凶則大人與
聖神本無間矣蓋大可爲也大而化不可爲也
聖之而已矣顏子造詣未幾於大人故得
服膺勿失月言大可爲也孔子乃位
之左右逢源矣所謂化不可爲也大與聖難於分
別而功有淺深安勉之不同

初二日

人人有亢而悔之時一言之亢即招亢也一悔之亢
招悔也聖人庸言庸行終日乾乾無亢無悔

初

或問君子亦有訟乎曰訟卦豈爲小人設雖小有言
其辨明也第不終訟而已矣

初九日

易六十四卦三百八十四爻一卦有一卦之義一爻
有一爻之義然總不出乾坤六爻之範圍蓋聖人
以天地爲體首尾六十四卦三百八十四爻無一
非發其象中之事謂乾坤外尙有何事

十一日

論語以周索書 上先器識而後文藝夫器識豈人

有不具哉父兄之教不先師範之訓不謹遂不知
器識爲何物蓋器取其器物識取其定趨不能容
物不能定趨終於自暴自棄而已矣文就末技耳
非君子之所貴也

十三日

與許開後 久不晤教贈注爲勞茲有愚者家姊次
槐慶堂以魏縣論貧不能哺哥居於魏今竟卒於
魏前不能生還豈欲禮之歸且更難之難矣舍甥
來涕泣漣湘弟爲凄斷者累日思借董仁一言於
之蒙張老公祖憐得慈憫本縣師士念舊好而存

原缺